

MICINCO EKA TITHIRASITI

Xana i yini Leswintshwa?

17 Ndzhati 2018 – Miantswiso eka Ntlheriso wa Xibalo xa Mali leyi Nghenaka wa Tithirasiti (ITR12T)

Hi ti 17 Ndzhati 2018, SARS yi simekile micinco yo hlaya eka Ntlheriso wa Xibalo xa Mali leyi Nghenaka wa Tithirasiti (ITR12T) ya mayelana na lembe ra nhlelelo leri helaka hi ti 28 Nyenyenyani 2018. Micinco i xiphemu xa matshalatshala ya SARS lawa ya ya ka emahlweni yo antswisa ntirhiseko na nandzeleriso. Loko u sevhile kumbe ku rhumela ITR12T ya wena ya 2018 ku nga si simekiwa micinco ya sweswinyana, ku hava tindzhawu letintshwa leti nga ta humesiwa leswaku ti tatiwa. Vundzeni bya ntlheriso byi endleriwile munhu wo karhi hi ku hetiseka, hi ku ya hi tihlamulo eka swivutiso swin'wana leswi u nyikiweke swona leswaku u swi hetisa.

Micinco yin'wana ya nkoka eka ITR12T yi katsa:

- Muxaka wa Thirasiti wu ta tsariwa ku sungula eka ITR12T. Loko ku ve Muxaka wa Thirasiti i Muxaka wa Thirasiti yo Hlawuleka wa A kumbe B, swivutiso swa ntiyisiso swi ta humesiwa leswaku swi hlamuriwa naswona hi ku ya hi tihlamulo leti nyikiweke, Muxaka wa Thirasiti wu nga ha cinca;
- Tindzhawu tin'wana eka Mali leyi Nghenaka ku suka eka Migingiriko ya Vurimi ya laha Kaya (IT48) na Mali leyi Nghenaka ku suka eka Migingiriko ya Xinakulobye ya Vurimi ya laha Kaya (IT48V) yi ta tsariwa ku sungula, naswona tindzhawu tin'wana ti ta tihlayela hi toxe;
- Mali leyi Nghenaka ku suka eka Migingiriko ya Vurimi ya laha Kaya (IT48) na Mali leyi Nghenaka ku suka eka Migingiriko ya Xinakulobye ya Vurimi ya laha Kaya (IT48V) sweswi yi ta amukela kharensi ya ntiyiso leyi nga hansa ka ziro leyi faneleke ku ngenisiwa;
- Mutshembhiwa u ta kota ku hlawula nhlawulo wun'we kumbe hamimbirhi ya Ntsakelo na leyi Hlamuseriweke, loko ku ve ya tirha eka Thirasiti;
- Xivutiso xintshwa lexi yelanaka na Mali leyi Nghenaka leyi Averiwake ku suka eka Tikhamphani leti lawuriwaka eMatikwenimambe xi ngenisiwile eka wizadi ya ITR12T. Loko ku ve leswi swa tirha eka Thirasiti, fomo ya ITR12T yi ta kombisa khonthena yintshwa leyi faneleke ku tatiwa; naswona
- Tindzhawu leti faneleke ti engeteriwile eka IT12T na ITA34T:
 - Hunguto eka Swikweleti (s19).
 - Tihakelo ta khexe eka Nkwama wa Thirasiti wa Mpfuxo (s37A).
 - Mitsengo ya mayelana na nhundzu yin'wana (leyi thyakisiweke) ya swa miehleketo (s23l).

Tidokhumente to seketela na vuxokoxoko byo engetelela

Tidokhumente leti landzelaka (eka mpimohansi) ta laveka ku kota ku tata Ntlheriso wa Xibalo xa Mali leyi Nghenaka wa Tithirasiti (ITR12T) eka eFiling:

- Switatimende swa timali na/kumbe tiakhawunti ta vufambisi
- Tisetifikheti hinkwato na tidokhumente leti yelanaka na mali leyi ngenaka na misuso
- Vumbhoni bya khirediti yin'wana na yin'wana ya xibalo leyi koxiweke
- Vuxokoxoko bya tinhundzu na swikweleti.
- Vuxokoxoko bya vanhu/vavuyeriwa lava mali leyi ngenaka, xuma na /kumbe tinhundzu ti nga averiwa/nyikiwa vona.

U komberwa ku tsundzuka leswaku eka ITR12T leyi rhumeriwaka erhavini ra SARS, tidokhumente hinkwato to seketela leti faneleke ti fanele ti nyiketwa.

Tsundzuka ku hlayisa tidokhumente hinkwato to seketela nkarhi wo ringana ntlhanu wa malembe. SARS yi nga ha kombela tidokhumente loko ntiyisiso wu fanele wu endliwa.

Laha swi faneleke, tixedulu leti landzelaka ti fanele tatiwa, tanihileswi u faneleke u ngenisa sweswo mayelana na rhumelo wa wena wa ITR12T:

- Laha thirasiti yi nga ngenisiwa eka swa mugodi kumbe migingiriko ya swa migodi tanihilaha swi hlamuseriweke ha kona eka xiyenge xa 1 xa Nawu wa Xibalo xa Mali leyi Nghenaka: [Tixedulu ta Migodi ta A na B](#).
- Laha thirasiti, kun'we na munhu un'wana na un'wana loyi a hlanganisiweke mayelana na thirasiti, loyi a khomeke kwalomuya ka 10% ya timfanelo to ngenelela eka [khamphani yin'wana na yin'wana leyi lawuriwaka ematikwenimambe \(CFC\): Xedulu ya IT10B \(mayelana na CFC yin'wana na yin'wana\)](#) ku sukela eka malembe ya nhlelelo ya 2012 ku ya emahlweni. Eka malembe ya xibalo loko ku nga si fika 2012, langutisa [xedulu ya IT10A](#).

Ku ngenisa tidokumente to seketela hi ku tirhisa eFiling, tlilika "Upload supporting documents" loko se u lulamerile ku rhumela ntlheriso wa wena.

Ku hlaysia vuxokoxoko bya thirasiti lebyi tsarisiweke

- Loko u nga se tata ntlheriso wa ITR12T, vuxokoxoko bya thirasiti byi fanele ku hlaysia.
- Tiyisisa leswaku vuxokoxoko bya vutihlanganisi, adirese, bangi na thirasiti byi lulamile hi ku byi tsala laha ku faneleke eka Fomo ya Ntsariso, Mihundzuluxo na Ntiyisiso (RAV01). RAV01 yi nga tiyisiwa no antswisiwa hi ku:
 - Tlilika eka "Maintain Registered Particulars" eka eFiling. SARS yi nga ha ku kombela leswaku u ta erhavini ku ta tiyisisa micinco yin'wana na yin'wana eka vuxokoxoko bya le bangi lebyi nga endliwa hi ku tirhisa eFiling kumbe
 - Endzela rhavi ra SARS. U komberiwa ku tihlanganisa na xiletelo xa RAV01 eka webusayiti ya SARS ku lulamisela tidokumente to seketela leti bohaka (matsalwa lawa ya faneleke) leti lavekaka loko u antswisa vuxokoxoko bya le bangi na bya vatshembhiwa erhavini ra SARS.

U komberiwa ku tsundzuka leswaku tilTR12 leti tatiweke hi voko no posiwa ti nge he amukeriwi hi SARS.

Xana u rhumela njhani ITR12T?

U nga rhumela ntlheriso wa ITR12T hi ku tirhisa tichanele leti landzelaka:

- eFiling: Vahakelaxibalo lava nga se titsariselaka eFiling va hlolhloteriwa ku endla tano tanihleswi swi nga ta va kotisa ku tata no rhumela ntlheriso eka inthanete eka mbango lowu hlaysiakeke.
- Erhavini ra SARS: Loko u yimela thirasiti leyi nga na khume kumbe leyi nga na vavuyeriwa vatsongo u na nhlawulo wo va ntlheriso wa ITR12 wu ngenisiwa hi ejente erhavini. U komberiwa ku kandziyisa ntlheriso no tata tindzhawu hinkwato leti lavekaka u nga si endzela rhavi. U nga kopa ntlheriso wa ITR12 eka eFiling. Marhavi ya SARS ya nge he koti ku kandziyisa ITR12T.

U komberiwa ku tsundzuka leswaku tilTR12 leti tatiweke hi voko no posiwa ti nge he amukeriwi hi SARS.

Xitsundzuxo xa Nkoka: Xikombiso xa fomo leyintshwa ya ITR12T xa kumeka.

Ku kuma vuxokoxoko byo tala, u komberiwa ku langutisa swiletelo leswi antswisiweke, [Step-by-Step Guide to complete your ITR12T via eFiling \(Goza hi Goza ro tata ITR12T ya wena hi ku tirhisa eFiling\)](#) na [Comprehensive Guide to the ITR12 for Trusts \(Xiletelo lexi Koxometiweke eka ITR12 ya Tithirasiti\)](#).